



FOTO R. FEINER /52BESTEBAUTEN.CH

## Ils dents da Domat

■ (ls/fmr) Per ordinari na gioga l'estetica nagina rolla tar construcziuns da zonas da commerzi u d'industria. La halla da parcar Plarenga (1988) a Domat è qua in'exceptziun. Sur 60 meters lunghezza s'auzan otg segments e furman uschia la siluetta dentada, protegend vehichels ed utensils da las forzas da natira domatescas. Il betun è vegnì ma-

schadà cun glera dal Rain e chaltschina dal Calanda. Las grondas portas da vaider èn protegidas e zuppadas d'elements che vargan ora sura. Quai mantegna il caracter monolitic dal bajetg che cumpara uschia sco ferma expressiun elementara da la cuntrada e para da dar sustegn al lavoratori communal gist dasperas. L'edifizis dal duo d'architects *Isa Stürm* ed *Urs*

*Wolf* ha perfin gudagnà ina distincziun per quest bajetg reduci, ma tuttina ambizius.

La halla da parcar Plarenga a Domat è in da 52 edifizis che la Lia grischuna per la protecziun da la patria preschenta en il decurs da quest onn per sensibilisar per edifizis grischuns da valor culturala, bajetgs construids en ils onns 1950–2000.